

**վարչական տույժ նշանակելու մասին**

24 սեպտեմբերի 2020թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետի ժամանակավոր պաշտոնակատար Նարեկ Գևորգյանս, քննելով Գաղժիմուրադ Մագոմեդսաիդովիչ Մուսակի (Ռուսաստանի Դաշնության քաղաքացի, անձնագիր՝ 76 1294910) կողմից մաքսային կանոնների խախտում կատարելու վերաբերյալ նյութերը

**Պ Ա Ր Զ Ե Ց Ի**

Գաղժիմուրադ Մագոմեդսաիդովիչ Մուսակի կողմից 27.01.2020 թվականին ՀՀ տարածք ներմուծված աջ ղեկային տեղաբաշխմամբ 2004 թվականի արտադրության MERCEDES-BENZ C240 մակնիշի ավտոմեքենան հայտարարագրվել է «Մաքսային տարածքում վերամշակում» մաքսային ընթացակարգով թիվ 05100020/281219/0009360 ապրանքների հայտարարագրով՝ 6 ամիս վերամշակման ժամկետով: Վերամշակման ժամկետի ավարտ է սահմանվել 27.07.2020թ.: Մինչ ժամկետի լրանալը ավտոմեքենան պետք է հայտարարագրվեր «Ներքին սպառման համար թացթողում» մաքսային ընթացակարգով, սակայն ՀՀ ներմուծված փոխադրամիջոցը և ուղեկցող փաստաթղթերը սահմանված ժամկետում չի ներկայացրել մաքսային մարմիններին:

Փաստի կապակցությամբ 31.08.2020 թվականին Գաղժիմուրադ Մագոմեդսաիդովիչ Մուսակի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով:

Գործի քննությունը նշանակվել է 24.09.2020թ. ժամը 11:30-ին: Արձանագրության և ծանուցագրի օրինակը պատշաճ կարգով ուղարկվել է կողմին: Ծրարն ետ է վերադարձվել «Անհայտ» նշագրումով:



ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50.000 դրամի չափով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ Գաղթիմուրադ Մագոմեդսաիդովիչ Մուսաևի սահմանափակումների վերաբերյալ տեղեկություն ստանալու նպատակով: ՀՀ ՊԵԿ Ներքին անվտանգության վարչության թիվ Ն/2-5/155477-2020 գրությամբ տրամադրված տեղեկությունների համաձայն Գաղթիմուրադ Մագոմեդսաիդովիչ Մուսաևը 27.01.2020 թվականին Բազրատաշենի սահմանային անցակետով ՀՀ է ներմուծել MERCEDES-BENZ մակնիշի, 0203IE պետհամարանիշի ավտոմեքենա: Այնուհետև, Գաղթիմուրադ Մագոմեդսաիդովիչ Մուսաևը 29.01.2020 թվականին Բազրատաշենի սահմանային անցակետից մեկ այլ տրանսպորտային միջոցով մեկնել է ՀՀ-ից: ՀՀ մաքսային օրենսգրքի 219-րդ հոդվածի 2-րդ մասի համաձայն՝ Գործը կարող է քննվել նաև տվյալ անձի բացակայության դեպքում,



Եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս: Տվյալ դեպքում պարզվում է, որ ՀՀ ՊԵԿ Ներքին անվտանգության վարչության տրամադրված տեղեկությունների համաձայն Գաղթիմուրադ Մագոմեդսաիդովիչ Մուսաևը 29.01.2020 թվականին մեկնել է ՀՀ-ից և ներկա դրությամբ հայտնի չէ նրա գտնվելու վայրը: Հարցումներ են կատարվել նաև ՀՀ կադաստրի կոմիտե և ՀՀ ոստիկանության անձնագրային և վիզաների վարչություն՝ Գաղթիմուրադ Մագոմեդսաիդովիչ Մուսաևի անվամբ ՀՀ-ում գրանցված գույքի և հաշվառման վայրի վերաբերյալ տեղեկություններ ստանալու նպատակով: Պատասխան գրություններով հայտնվել է, որ վերջինիս անվամբ ՀՀ-ում անշարժ գույքի նկատմամբ սեփականության իրավունքի պետական գրանցում կատարված չէ, ինչպես նաև ՀՀ ոստիկանության անձնագրային և վիզաների վարչություն բնակչության պետական ռեգիստրի տվյալների համաձայն՝ Գաղթիմուրադ Մագոմեդսաիդովիչ Մուսաևի վերաբերյալ տվյալներ առկա չեն:

Այսպիսով, վարույթի նյութերով հիմնավորվում է, որ Գաղթիմուրադ Մագոմեդսաիդովիչ Մուսաևը սահմանված ժամկետում տրանսպորտային միջոցի համար մաքսային հայտարարագիր չի ներկայացրել, ինչով պայմանավորված թույլ է տվել ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 194-րդ, 206-րդ և ՀՀ վարչական իրավախախտումների վերաբերյալ օրենսգրքի 32-րդ և 234-րդ հոդվածներով՝

## **Ո Ր Ո Շ Ե Ց Ի**

1. Գաղթիմուրադ Մագոմեդսաիդովիչ Մուսաևին ճանաչել զանցառու ՀՀ մաքսային օրենսգրքի 194-րդ հոդվածով և նրա նկատմամբ նշանակել վարչական տուգանք 50.000 ՀՀ դրամի չափով:
2. Որոշման մասին հայտնել Գաղթիմուրադ Մագոմեդսաիդովիչ Մուսաևին:

3. Որոշումը կարող է բողոքարկվել վերադաս մաքսային մարմին կամ դատարան որոշումն ուժի մեջ մտնելուց հետո երկամսյա ժամկետում:

Սույն որոշմամբ նշանակված տուգանքն անհրաժեշտ է վճարել **900005024055 հաշվեհամարին (ՀՀ պետական բյուջե, կենտրոնական գանձապետարան, Հյուսիսային մարսավորուն-վարչություն, ԿՈՂ 28):**

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏԻ

ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ

Ն.ԳԵՎՈՐԳՅԱՆ

